

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29

deli
得力集团有限公司
No. 6230
浙字02260122号



436
7580





黔南類編卷之八



黔南類編卷之八

批詳類

一件酌時宜陳未議等事據蒙化府申詳



阿氏俞丁盡戶絕緣由批

據申已逃故阿氏俞係終身軍况查丁盡戶絕不

該勾補且茶次不係當房子孫據例不宜擾害該

府豈得不審來歷輕易將茶次解補所據本軍法

當任勾茶次不該項補除將茶次夫妻二人發回

寧家外仰再查明酌申察院施行繳

一件橫豪為子嫖婦等事據雲南府申解犯婦孫氏

緣由批

訪得惡婦孫氏因恨方氏貧無嫁資三年之內百般凌虐逼令再嫁及臨嫁上轎方氏收拾稍遲行竟打罵然則方氏近則困於公姑之積威遠則絕無親屬之可倚崇崇孤婦與死為憐其甘就沈應時而不敢聲言者思之可流涕也然則孫氏之惡可勝言哉謝恭元冒濫衣巾全無知覺平時任父母凌虐弟媳而不知諫勸臨嫁任父母之橫行而不發一言及今父困囹圄將及半月則處置遮羞銀兩速救伊父出監者恭元責也乃恬不加意然

則恭元情罪不在恭安之下若二十日銀不完納

銀兩速救伊父出監者恭元責也乃恬不加意然

則恭元情罪不在恭安之下若二十日銀不完納

該府將孫氏收監仍提恭元問罪申詳提學道施

行繳

一件橫家血謀凌逼生命事據晉寧州該解犯人金

立祚等緣由批

范廷相金立祚俱省城人金立祚告罪求批晉寧

州蓋與強友直合謀欲以纏累范廷相也范廷相

不赴該州對理非敢拒抗實是不落二人圈套耳

該州若熟知人情所在則申文內不必多言若知

戴僕射雅量更付之忘言矣吾輩做窮秀才時數

日方得肉食今官居方伯從者五人三日方一食
肉也蓋人生食祿有限豈可不自搏節若每日食
肉又以飽飫其僕婢此非有十餘斤不可積一月
計之殊為駭人此仇泰然之所驚懼者也安百姓
均徭役此是守令本等職業該州尊居民上作民
父母不可一時忘此念頭昔者巡捕老人五名壞
事頗甚通聞保正六人更復害人其四鄉約正暴
橫鄉曲者甚多六房惡吏瞞官害民者得志然則
晉寧州之百姓可謂不安矣該州自今以後其度
量則當如戴僕射其儉約則當法仇四明其安百

姓則當遵

量則當如戴僕射其儉約則當法仇四明其安百

姓則當遵

高廟之聖訓然後可以收之桑榆也此綴

劉仁軌為左僕射戴至德為右僕射人皆多劉而

鄙戴有老婦陳牒至德方欲下筆老婦問其左右

此是劉僕射曰戴僕射因急就前曰此是不解事

僕射却將牒來至德笑令授之戴僕射在職無異

跡當朝似不能言及薨高宗歎曰自吾喪至德無

復聞讜言在時有不足者未嘗放我過因索其前

後所陳章奏盈篋閱而流涕朝廷始重之仇泰然

守四明與一幙官極相得一日問及公家日用多

少對以十口之家日用一千泰然曰何許多錢曰
早具少肉晚菜羹泰然驚曰某為太守居常不敢
食肉只是食菜公為小官廼敢食肉定非廉士自
爾見疎錢與字更生常熟人洪武十年應詔言星
變

高皇帝加納之召試祭元幼主文稱
旨將擢用之以老疾固辭乃遣歸臨行

高廟面諭之曰爾歸于經過府縣為我宣諭官吏我
百姓箇箇要安從役處處要均百姓所以不安從
役所以不均者皆貪官污吏壞我法度今後犯者

不饒

役所以不均者皆貪官汚吏壞我法度今後犯者

不饒

高廟割業之君起於民間備知生民疾苦故有是諭

使為官者人人皆體此意則百姓安而邦本固矣

一件橫家血謀侵逼生命事據晉寧州申詳至教三

事緣由批

本司前見該州申鄉官侵占水利文書詞雖過激
而語意暢達足覘才力或以州治僻小不足有為
故委政吏胥玩愒廢日本司欲與之言久矣幸因
范廷相所告申舉三事引古以證之該州果能不
諱痼疾不忌良醫知今是而昨非寔迷途之未遠

從此進於君子之域而洗其既往之愆不難矣聞
有揚愈者係是嚴吏前懸守問華人稱其明有張
廷輔者幸離大辟怙終固悛今在本州舞文弄法
此宜發憤問罪申詳發遣則該州烹阿之勇始足
以回一州之人心而動四方之觀聽也仰虛心行
之

一件患病不能供職懇乞鈞恩容令回籍調理事據
雲南府推官陳昌言呈稱力疾供職恐廢職業且
賤性愚拙不善調停乞早賜歸田等因批
看得本官清年遠器既已策名

清疑為青之祀

清朝偶嬰微疾遽欲乞歸田里在本官言之諒亦有

看得本官清年遠器既已策名

清朝偶嬰微疾遽欲乞歸田里在本官言之諒亦有
故在上司觀此多云不祥况
朝廷作養之澤未效涓埃父母教育之恩寸絲未報
天地生成之德毫髮未酬詎欲效五柳以歸歟望
三徑而中止揆之禮義俱屬未安若果宿疾不瘳
自宜加意調攝上司見諒必不以文法相拘至謂不
善調停恐曠厥職此中有說可以商量昔人有云
不如意事十常八九君子遇難處之人值難處之
事皆可以動心忍性增益其所不能我以誠意感
人人雖強暴亦可感格我以虛心應事事雖膠轕

聰明自生本官自今以後宜力制容氣虚心觀理
則接人應事不難調停今做官時以賦性愚拙不
善調停即欲棄之而去也然刑于寡妻至於兄弟
以御於家邦其所當調停者尚多也若謔之不善
調停則父母之邦又將舍之而馬往乎夫顛蹶之
虞生於疾走飲酒濡首為不知節若夫畏蹶而廢
走因噎而廢食蓋亦傷於慎而無禮矣該府行令
本官立慷慨丈夫之志卓然以遠大為徒敬從兩
院大君子之教即出供職此繳

一件查理確課事據楚雄府申詳本府委官搜獲管

場官務校復區課錄緣由批

一件查理確課事據楚雄府申詳本府委官搜獲管

一場官榜校復區課銀緣由批

該府委官得人搜獲復課其多若此一時司道深
加嘆異嗟呼

朝廷福量最大鬼神幽隱難欺榜校蠹官有何福分

敢侵爾區今各場嗜利小官只知區課因念官刑

視榜校可以為戒矣仰候委官察訪至日併繳

一件竭力報本事據都司陳經歷呈詳百戶戴文勝

妄呈餘丁蔡三兒等緣由批

看得蔡三兒骨血雖原蔡氏恩養實賴陳門且律
有遺棄小兒三歲以下雖異姓仍聽收養即從其

姓之文况蔡三兒生止兩朝鄧氏收之濟棄又思
養二十八年斷從陳姓與例相合若蔡家丁盡戶
絕三兒亦不得歸宗今蔡秀蔡如軍伍有人豈得
違例擾害本官擬斷俱已合律百戶戴文勝冒昧
妄陳姑免問罪本官仍給帖備批詳內事情付陳
信執照陳信於陳舉係思養父母於蔡秀等是同
胞兄弟其生父蔡祀墳上亦須奠一杯之羹或過
歲時當致雞酒之敬於二兄也本官諭以大義候
出堂時領一千人衆赴司聽教此繳
一件計處清軍事宜等事據永昌府批差甲首富登

押解逃軍趙雙戶丁趙瑞并妻張氏管解到司錄

一件計處清軍事宜等事據永昌府批差甲首富登

押解逃軍趙雙戶丁趙瑞并妻張氏管解到司緣

由批

查趙雙軍單於嘉靖三十九年為贖刑事奉

欽依免死充軍后因四十年五月內在逃敘南衛行

文勾取該府只該清查正犯起解如正犯逃亡該

清查的親兒男起解今據申文開稱趙瑞係逃軍

趙雙親姪就使趙瑞係趙雙親姪原非祖軍豈應

將姪頂補况審趙瑞執稱非趙雙親姪也除將趙

瑞夫妻發回該省令寧家外承行官吏法當提問

姑記仰將該吏劉國瑞招詳

一件豪軍脫役賄囑汚吏枉害事據照磨何猷榮呈
詳犯人聞詩照舊頂當軍伍領田納糧等因批
看得頂當祖軍宜照倫序不論富貧聞六十聞來
生係長房子孫聞詩係次房子孫今聞詔患病只
該先儘長房子孫如果聞六十聞來生貧難只該
定一人領田其次房見在人丁酌量家道幫助此
是正理乃今以貧難者分豁富實者充當不是法
律假如聞六十應該襲職豈可以其貧難歸斷次
房承襲耶聞詩罪名免完聞六十領田當軍該所
議次房見在人丁幫貼寫立議單呈詳

一件計處清軍事宜以便遵守事據永昌府申詳吏

議次房見在人丁幫貼寫三議單呈詳

一件計處清軍事宜以便遵守事據永昌府申詳吏

到國瑞批

到國瑞紙贖仰府行令保山縣承行吏同納取寶

收繳孫同知於此等事件切須託心趙雙遠戍情

罪因宜今使無干趙瑞遠離鄉井奔馳數千里之

外荷戈執役是驅二人就之死地也豈為人上之

道哉然則該府固免衆完觀此批詳宜有惕然不

安於心者勉之勉之併繳

一件欺吞孤孀事據昆明縣申解犯人戴邦教等緣

由批

看得戴邦禎與戴天寵等叔姪相毆據邦禎所告
則曰天寵等三人自外而來天寵等執桶邦禎昏
醉返舍又戴邦治執桶打落老牙未經告鳴難以
准信及據戴天興口稱邦禎三更夜回本司問其
往何處飲酒係某人家天興一無所答天興父子
今與天禎訴告若使邦禎果自夜半回家豈不訪
察夜回踪跡今一問即可知曲在天興父子也
其單內所開付托財產事情據告多被邦教執匿
大率仕宦人家被兄弟姪子欺負如吳知縣者甚
多相應查完仰陳經歷議處明白具招解詳洪業

二人老奸也不足准信

多相應查究仰陳經歷議處明白具招解詳洪業

二人老奸也不足准信

一件污吏挾財未遊坑陷不得還鄉事據雲南府緣

事吏趙以化呂揚騰龍等緣由批

看得趙以化一月兩詞先後頓異據五月十六日

告詞則云俱憑本房做福書手楊騰龍楊一濂專

主做福呈堂問擬不應還役至二十六日告詞則

云俱被趙一經李應元因財坑陷若使趙一經等

果有受財情由則十六日因何不行告出且趙以

化係承行吏也因何懼怕送銀八兩趙過芳係正

犯也其罪重於以化止送銀三兩何也切詳吏典

誑騙人財物者窺伺上官意嚮可以挽回方敢下
手卷查布政使鄔批詳在卷者嚴如鈇鉞則趙過
芳趙以化俱法應革役絕無一毫生意趙一經等
縱欲受財有何神術為二人解脫參詳趙以化已
是落水人數又聽人指使牽連別人下水要之難
扳拽多人終不能挽回已去之前程也仰府依法
究詳

一件檢舉貽累乞憐分豁事據本司刑房一科典史
趙一經呈蒙將趙以化革役妄告挾恨申明檢舉
等情批

訪得趙過芳係極惡兇徒問疑革役人心痛快

等情批

訪得趙過芳係極惡兇徒問疑革役人心痛快
緣辯復自謂得計不知左布政郵熟於吏事因庫
收繳遲昂卷查看灼知奸計即命開詳細觀卷中
所批毫髮難掩悉詳原行係在刑房後次辯復賄
行二吏則其隱匿王院革役批詳奸計固已在此
豈知吏變可作鬼神難欺左布政郵既以洞燭神
奸本司難以姑息况近日比併該吏稽察停案各
吏畏懼刑責行催未完乃其職掌而趙以化污誣
一經公行告許參詳二詞俱屬虛控除將趙以化
二狀行府外趙一經所告案候另詳兩院施行

一件欵取象隻事據指揮楊秉忠呈土官陶金越境
 前往老樞買象六隻却又控詞瀆申止解二隻等
 因批
 據申陶金以
 欵取象隻為由越境往老樞買象六隻却又控辭瀆
 申止解二隻此等舉動全不學好今被元江府土
 舍頭目呈稟有何顏面本司屢以好言訓教及其
 變惡為善豈夷性難馴或者小人撥置故陶金不
 免於十寒之累耶仰毛通判省諭陶金凡事從正
 路上行自有許多好處若只信小人撥置此是自

取恥辱何益之有陶金只防表欵寵換害今者元

路上行自有許多好處若只信小人撥置此是自

取恥辱何益之有固金只防袁欽寵挾害今者元
江府王舍頭目呈稟豈袁欽寵主使耶仰速改悔
勉為忠順速繳

一件象隻不敷等事據臨安衛指揮陳恩志呈聞陞

守備辭買象支緣由批

守備地方責任匪輕

欽取象隻事體不小陳恩志奉差已經兩月却乃遷
延不即起程驟聞陞遷即行推避可惡之甚向來
司道觀其才貌似可與進故言於撫按得屢薦剋
豈得朝聞陞信夕起邪心為事不終報効何在姑

記仰臨安府印日催促起程此繳
一件象隻不敷等事據大理府申指揮閔照前往孟
理採買象隻各官廩糧隨跟人役口糧藥餌硝磺
等項并各官預借俸糧動銀係奉
欽取象隻勢難遲緩况有上年舊規只得動給催促
起程等因批

舊時買象官員多就省下差委指揮千戶其各官
隨行人役自有定數牌上所開不敢濫加其各軍
伴自預借月糧之外原無別項名色是以指揮王
世隆楊春育起行之日不敢分外須求指揮閔照

何敢妄行呈請卷查王世隆楊春育各預借俸六

世隆楊春育起行之日不敢分外須求指揮閱照

何敢妄行呈請卷查王世隆楊春育各預借俸六箇月各軍預借糧四箇月而已仰府查照行繳

一件地方事據武定府申稱本年三月初二日據覺察張順把事解應春等呈鳳繼祖繼子阿五聞建哨移往會理州任坐阿茄其子鳳房於二月初五日中毒阿茄初六日鳳房初七日在彌勒場俱故諒絕武定之念等因批

本司於隆慶四年六月按臨安府欲於松子園建哨設兵防守十五日詣城隍廟默禱於神是夜夢中城隍之神報稱此哨一建諸賊不久自滅次日

早曾與劉太守密言不敢漏洩即今阿加鳳旁相
繼亡滅誠是天誅如有神助所據該府城隍有靈
禮當報謝該府擇吉日具豚一羊一宰師生里老
以本司意指致祭於武定府主城隍用彰報謝是
日仍遍諭民夷以共荷神明福庇具遵行緣由繳
一件修理道路事據貴州普安州中箱遵將發下官
錄會同指揮孫世臣收貯親詣丈量原議雲南坡
改修分頭拘喚舖軍陳兵用石匠陸仲科等承認
結狀修砌等因批
據呈修治道路頗多而數月之內即以奏功具見

本州才力但前此安南衛砌路本司專委吏戴宗

據呈修治道路頗多而數月之內即以奏功具見

本州才力但前此安南衛砌路本司專委吏戴宗
秀在彼督工凡有脩砌不如法者不給工價候另
砌完日方行算給以此人畏重復必求牢固該州
工程幸已速成聞知行人所言以為不及安南未
知果否仰候段經歷至日勞賢守不惜二三日與
同循行各處若未牢固者行令另砌方給工食此
一勞永逸之圖庶不冒費錢糧也惟賢守加意此

繳

一併查理坊牌事據左衛經歷司申都御史孫坊牌
以致夫匠不齊遞爾愆期請乞批行把總查照原

議數目撥補等因批

前此凡有興作俱係百戶官營求致將官銀侵尅

夫匠折乾工程屢年不完奸貪因此獲利本司今

改委經歷江永陶惠因各官精健可用故茲付托

應用夫匠俱該照數撥給不許鬼名撥補不許那

移更替仰段彬崔象賢同心共濟有罪毛愷即日

解報

一件願告休致事據大理府同知鄒國璽告稱兄弟

多故母老無依願回侍養本司呈允致任獎勵本

官緣由批

看得本官立心願為良吏每念不遺二親作令作

看得本官立心願為良吏每念不遺二親作令作
牧不以家累自隨其苦節鮮與為伍郡丞州守唯
以退休為念其孝誠不假強為增銅課至數千金
而毫髮不染合省宜讓其廉能修閘壩至十餘座
而灌溉有潰沒世難忘其利澤路南黎老愛如召
父鄰縣赤子願借寇公本官獲上得民如此而苦
破乞休及聞得反初服而喜動顏色推是心也誠
不以三公易一日之養而諦觀司道崇獎之言亦
愈於一歲九遷其官矣歸田之後敦行孝慈表率
鄉里俾新津縣列名鄉賢端有望焉

為禁薄俗以保全生命事本司常經行城下見有
用蘆蓆數片搭成蝸棚者問之粟人曰窮人賃房
者婦人臨產其房主逼令出外生育不得已沿街
搭蓋蝸棚驟遇風雨多有母子俱死者切思同鄉
之義疾病相扶持患難該相恤富家祖房與人平
時受其房錢至於臨產逼令出外驟感風寒致令
身死明有威逼之情若據事例不宜輕宥又賃房
居在嫁女者俗忌不許女人在屋下開面其姑來
娶婦則女人生於轎內當街開面夫閨女出門不
得在父母膝下脩容而使之當街開面俱非人情

此等鄙俗通省皆然相沿承殊為可恨合候詳

得在父母膝下脩容而使之當街開面俱非人情
此等敝俗通省皆然相沿未革殊為可恨合候詳
允通行各府州縣今後凡賃房居住軍民其妻臨
產與嫁女者房主俱不許逼令出外生育當街開
面違者若母子俱死則司威逼二命例問發充軍
如或致死一命者依律問斷追埋葬銀十兩兩隣
不行諫阻者一併問罪不容在家開面者問罪完
日枷號一箇月發落仍給帖住房人免出三年房
租事犯兩隣同罪此法行則貧婦生育者不苦於
野宿而閨女臨嫁者相安於室家此不惟全溷婦
女俱感生成之恩而自此以後得蒙全活者皆軍

門再生之賜矣

一件查究事據昆明縣申詳問過犯人德玄即楊仲

經等招由批

看得三華係是名山妙高原為古寺梅太監鼎新
殿宇莊嚴妙相廣發慈悲黔國公喜捨海田歲資
祖谷惠養僧衆聞先年在寺焚脩者計有三四十
人名山勝地足為一方增重比因奸徒貪利冒剝
為僧一入寺門攘為己物恣意典賣全無顧惜李
林等貪其價輕祖重攘臂圖謀不知各家既得肥
饒而佛刹漸次銷鑠矣如此惡業萬古不磨惜此

庸愚誤入玩愒該縣於此查理明白具見用心楊

饒而佛刹漸次銷鑠矣如此惡業萬古不磨惜此

庸愚誤入坑墮該縣於此查理明白具見用心楊
仲經楊世舉追贓完日楊仲經發尖方驛楊世舉
發易龍驛取庫收收管領狀繳王鳳岐解司責治
一件積年欺違國恩苦虐瘡痍事據武定府申詳問
過犯人李春榮等招由批
看得知縣濫叨此官無心民瘼三年支俸
大半走差放假此以娛悅上心而吏民困苦若越
人視秦人肥瘠也夫本官平日與民既不相親至
朝覲行時又有許多科索快手四名難經申請每名
八兩科派難當且各府知府應朝亦無此例覓錄

四名每名既有工食八兩矣何為又有兩具安家
五兩此外又有同門子書手盤纏二十兩又於直
堂覓隸內抽取二十六兩名為覓隸盤纏實是假
借名色夷民難憑耳目難掩據此科派之情相應
追贓革職念係連年打差或無積聚長行無措冒
昧妄為但夷民何辜受此毒害本司原日受狀其
意在此該府愛厚屬官留情遮護無知赤子何人
介懷仰候 回日問擬應得罪名具招解詳
其覓隸四名工食并兩具安家盤纏共五十兩查
原派夷人姓名備細問詳以憑追給李春榮等依

擬李春榮安寧驛實收收管領狀繳

原派夷人姓名備細問詳以憑追給李春榮等依

擬李春榮安寧驛寶收收管領狀繳

一件狼惡勢徒欺隱錢糧等事據晉寧州申詳犯人

趙美新等招由批

據招趙美新揪打趙時遇有傷該依同宗無服卑

幼欺毆尊長加凡關毆成傷一等律該笞四十減

等笞三十該州所擬尺當又納贖則例有力納未

稍有力納銀該州既擬趙美新細米不宜稍稍有

力閱歷二州矣於此尚未了了即趙美新仍具羊

一牽酒二罇牲四品同本宗老成族人四五人到

趙時遇家陪禮趙時遇仍置酒款待取遵行過緣

由并庫收回報趙美新姑免責

一件仲寬在証事昆明縣申詳問過犯人楊舜韶等

緣由批

看得舉放京債者本銀一兩利銀倍之楊舜韶托
李茂芳放債三百六十兩雖有楊大盛等欠銀一
百二十兩而中間得利固已多矣此非父娘資本
乃鹽山縣百姓膏血也舜韶騙人財物人亦騙舜
韶何必追論至於追李茂芳保頭之銀此為不近
人情市井交易必須保頭既為保頭自當取利今
判李茂芳替楊舜韶做保頭不該取利此以一介

不取責李茂芳原情定罪不宜如此所據二十四

判李茂芳替楊舜韶做保頭不該取利此以一介

不取責李茂芳原情定罪不宜如此所據二十四

兩保頭之銀原不該追取實收繳

一件比例告給長夫銀兩以便還鄉事據貴州普安

州申照得已故姚州知州吳師朱賢聲素著於鄉

評惠政兩字於郡縣表其宅里風教攸關合候評

允結申貴州提學道轉呈兩院同已故知州孫科

一體表揚庶崇報無私而闡幽於既往儀刑有則

而示化於方來緣由批

邇來士風下衰廉恥道喪有司官員惟求苟得孰

恤民窮已故姚州知州吳師朱愛民真如赤子持

己稟若清永催科不擾視各邑獨能早完聽斷無
私雖正婦皆能自盡誠

清時之國寶通用之良材一旦淪沒孰不痛傷據呈
轉呈兩院學道同孫知州一體表揚不惟慰清魂
於既往實可啟後髦於將來候允詳至日申報繳
一件狼惡強徒賺盜家財陰陷三命等事據雲南府
申解犯人趙雲桂等四名緣由批

參詳招情大畧已明尚有未盡凡典當衣物者必
有指引中見之人其銀主亦必候有的當中見方
肯交易據招開稱向不記姓名人家當得銀兩使

用此是飾辭又招稱將金釵一對銀挑心一根等

肯交易據招開稱白不記姓名人家當得銀兩使
用此是飾辭又招稱將金釵一對銀挑心一根等
物陸續白人戶不等各家零碎共當肥二百索夫
金銀首飾輕重不等計有三十二件衣服在外此
豈止當肥二百索又朦朧稱人戶不等而俱不列
其名此是騙賊奸計凡此二項須令一一供出各
銀主姓名以憑追斷揭查大明律共犯罪稱首從
一條內開侵損於人者以凡人首從論據此則趙
廷桂該為趙雲桂從不該引家人共犯之律再詳
凡女人莫不愛其夫莫不知愛其女又莫不知愛
惜財物今楊氏被趙雲桂兄弟二人誑賺盡將金

銀首飾衣物被二賊騙去若非蠢愚痴騃不省人
事必是強悍剛狠自做主張又不然或與二賊有
別情故財物不吝夫女不顧而罄身家以娛悅二
賊不恤也據律有七出之條而楊氏將楊東光母
箱內衣物盜與二賊此犯竊盜之律楊東光若有
剛腸只該離異此婦豈可以一省祭春懲賊妻本
司批駁一字一句皆從禮法中流出賢司理從容
玩味方知斷獄一事極為精密也另招解報
一併懲乞察寬救豁事據本司更趙一經訴稱証經
係吳秀才姨夫有銀十二兩飯二疋託送魏時敏

係吳秀才姨夫有銀十二兩飯二疋託送魏時敏

等情批

據楊傑執稱楊仁因與土官陶金私通往來每年
陶金差日把到省即投楊仁收買器物隆慶四年
有土官知事江文私自到省陶金托楊仁代買戰
馬棗騮一疋得價九兩五錢青馬一疋十三兩五
錢楊仁因販賣得利用銀十二兩五錢買普定青
馬二匹於指揮王世隆家典房喂養五年五月二
十五日稟放南門外詞場陳華家喂養接受陶金
銀二十五兩憑日把張燦熊尚智交銀著令鞅子
匠趙一元時應登賈四兒做成鍍銀馬鞍二付每

付計銀十二兩候張燦起身之日付足後楊仁因
見張燦領有銀牌花紅即不合向伊哄說係將幾
兩銀子替你布政司打點使用差一楚雄衛指揮
贖賞到府何等光彩張燦等依聽當付銀十兩仍
即代替寫狀一紙付張燦等至布政司具告要行
文楚雄衛差指揮贖賞等語本司查各處土官進
象原無差官贖賞之例不准楊仁見事不諧又不
合向張燦等哄說今有妙計另寫一狀只求差委
景東府毛通判送賞斷然依從等語張燦等又不
合依聽執狀赴司纏告本司即時叱出不准本司

因張燦等屢次赴司纏告恐衙門人役有騙財情

合依聽執狀赴司纏告本司印時以此出不准本司
因張燦等屢次赴司纏告恐衙門人役有騙財情
由又因威遠州土官龔承職事情訪知敗露將楊仁
等獲行本官究問而楊仁在監數日聽憑積年老
囚撥置將販賣戰馬營幹賣賞文書指稱打點等
情不行供報又捏一段虛情摺抵其情可惡據趙
一經供稱賓川州人有妻李氏妻父李貴才吳懋
賢供稱雲南右衛軍籍有妻楊氏妻父楊舉然然
則吳懋賢趙一經原不係兩姨夫而楊仁妄供前
情卽此一端餘難准信除將魏時敏趙一經吳懋
賢省發外仰陳經歷將楊仁并積年通把張燦熊

尚智查照律例問詳

一件請官管理操捕事據前衛呈千戶李文潮印務
行右後二所千戶金詔董天民於內定委一員管
理等因批

本官年過半百幸叨推選理當奉公盡職以報工
司知遇之恩却乃徇情市恩妄行呈舉若使本司
不知誤用則貽害貧軍孰任其咎本當參究姑記
仰從公推舉速繳

一件貪酷索財致死人命等事據雲南府申解犯人
王世朝等緣由批

看得張趙二姪探充屯軍張文燦既已充徒戶內

王世朝等緣由批

看得張趙二姪探充屯軍張文燦既已充徒戶內

人丁除生員外自應探充軍役豈有占用貼丁又

將趙姓擾害楊祖胤粗頑鄙夫奉何明文不將張

家僉丁却將無干趙應科酷刑楷打與見行事例

實相違悖仰理問所另完招詳

一件貪官讎挾挑刑移害等事據臨安府申解犯人

吳從仁等招由批

看得吳從仁以賣放徒夫問擬枉法受財據招已

有可疑面審全無一實招福吳從仁憑董均生接

受楊朝臣假小二楊三賊銀一兩與刀二把斫開

楷
字義
楷字
楷字
楷字

木靴手肘各行脫逃卷查隆慶四年五月十三日
係臨安兵備道經過本日尹鷄同吳從仁馬牌張
兵美送至曲江四鼓方回本日夜間楊朝臣等乘
幾脫逃去訖尹鷄於本月十五日將楊朝臣脫逃
情由申報兵備道據此則楊朝臣等脫逃之夜吳
從仁同尹鷄送官未回也若能飛身化氣又至通
海脫放徒夫耶尹鷄因吳從仁告發驛傳道訐其
占騎魯鳳之馬思無擔抵乃於本年十二月捏申
吳從仁受財賣放徒夫若以十二月申文為是則
五月何以不行訐出若以五月申文為是則十二

月所申皆誣捏也卷案見在何乃臨人若此且招

五月何以不行評出若以五月申文為是則十二

月所申皆誣捏也卷案見在何乃臨人若此且招
捕前此吳從仁受楊朝臣等銀一兩係未到庫子
董均生過送後次在省城吳從仁接受楊朝臣銀
五錢係未到徒夫夷得知證夫董均生與夷得俱
係緊關過付知見之人今二人既未到官面審則
贓銀有無憑何執證却乃憑尹鷄一面誣陷之詞
徑坐吳從仁枉法受財之律誠為有曲無伸真是
紙棺埋葬據張廷美稟稱庫子董均生吳呆換監
房居住監房內有徒夫四人楊朝臣等三人在逃
有王印時尚在切詳董均生吳呆既與監房相鄰

則楊朝臣刀斫木靴手肘豈不知覺若吳景仁如
果得財賁放則王印時決是知情今乃不完董均
生吳景不問王印時而震空指吳從仁問擬徒罪
革役是何法律其典當鋪陳係是吳從仁在省顧
人攢造查盤文冊因尹鷄不寄供應故將段被等
物當銀一兩二錢驛傳道循字文簿顧借通海縣
書手張鵬羽書寫每季工食二錢缺少三季該工
食六錢以此將文簿於通海縣艾家當銀六錢與
張鵬羽原非在省當銀嫖賭其通海驛廩給口糧
原係馬頭支應尹鷄盜支在庫官銀因被吳從仁

首告在縣却乃將前解提學道批迴影射又於十

原係馬頭支應尹鷄盜支在庫官銀因被吳從仁
首告在縣却乃將前解提學道批迴影射又於十
二月將餘銀七兩二錢解回該縣收庫若官銀該
領出支銷則不必又行解縣若據後來解申縣庫
則前此原不該盜支今查通海縣解來卷宗無有
吳從仁首報此是尹鷄用財埋沒承行吏典相應
提究陳推官查盤其造冊紙劄工食該銀三兩官
吏贖罪二分該七兩今却科馬頭銀十五兩係因
公科歛財物入己者律又借馬戶銀止於八兩而
科收至二十一兩此是詐欺私取財者律仰理問
所依律究詳

一件恤刑事據昆明縣申修理并置辦什物等項共
該銀一百三十五兩五分於預備支銷銀內動支
等因批

議原恤刑案臨造辦什物該銀一百三十五兩五
分但細查原日冒開之數頗多即今製造未免勞
擾舖行及恤刑起馬之後前項什物何處收貯欲
以留後五年恤刑到日公用不可得也本司將書
冊所開逐一看過凡係貢院中所有者俱准借用
凡應造用買辦者俱批一准字該縣造一方冊以
借用貢院者開列在先以用銀造辦者開列在後

應用銀兩總撤數目備細開報候東察院脩理完

借用貢院者開列在先以用銀造辦者開列在後

應用銀兩總撤數目備細開報候東察院脩理完
日令縣丞李岷同禮工二吏赴司差官將貢院什
物一一點明交付官吏領訖具領赴司回繳內有
損失者動支官銀修補此於原估可省三分之二
在今日鋪行免製造之煩在日後無收貯之累又
可以革該吏一番之常例也仰遵照施行此繳
一件惡族吞產乞憐起拔孤苦事據大理府申詳犯
人楊立等招由批

看得回保係異姓惡種奴隸賤流何敢與正枝子
孫互相告訐又爭奪財產又妄誣正枝子孫楊言

為姦生前此問刑官員律例不明貴賤無別斷銀
八兩田四畝與此女隸既已糊塗後此又斷銀五
兩田三畝是何律法楊門之田之床楊氏正救子
孫不該享反斷給女隸耶所據回保淫兇無狀法
應革役歸宗不許冒姓楊氏楊言被告數次疲乏
可憐相應免究取庫收繳

一 件 查 理 錫 課 事 據 臨 安 府 申 詳 犯 人 郭 起 宗 等 招
由 批

本司因姜驛僻居邊徼無有衙門故憫念蟻官准
與差遺豈意起宗立心不臧欺上罔下隱匿旺礦

不行報官背負厚恩情理可惡本當追贓革職姑

與差遺豈意起宗三心不減欺上罔下隱匿旺礦

不行報官背負厚恩情理可惡本當追贓革職姑
記除贖完外罰銀五十兩同謀一併解報該場礦
旺如此每季應石止加銀四十兩仰府憲心議詳
程應賢到場頗有說話全不足憑也另委廉能官
員如金石屏者方可信托此繳

一件大造黃冊事據晉寧州申詳犯人張拱辰等招

由批

查得張拱辰李任達挾騙書手財物至百人以上
入已之贓約有數十餘兩今止於十五人贓騙三
兩何也二犯名下仍各追銀十兩該州境內孔道

橋梁道路如有應修者委善人姚宗文領銀修砌
張拱辰姑依擬取寶收領狀號票繳李仕達從別
卷歸結該州六房吏橫行者多此姑就所知者治
之耳按院訪拏亦不能盡如二吏罰追之銀或有
花費難完許於六房內各人幫貼該州從便追發
修砌文到五日內限銀完十日外起工該州先將
應修處所開報

一 件侵賣官酒負累賠課事據白井提舉司申詳犯
人張鳴鳳等招由批

據招五月二十日奉到書冊其刊刻榜文則於四

月十六日到司矣吳知州於正月十六日到司已

據招五月二十日奉到書冊其刊刻榜文則於四

月十六日到司矣吳知州於正月十六日到司已
奉本司明文將酒給散各灶丁矣積年課長恬不
畏法擅敢將已分給灶戶之酒公行侵奪計贓定
罪俱應擬徒姑從輕止擬不應從重稍有力仍於
二月初一日起至五月二十日止追各課長侵分
酒銀解司作正限歲終日課銀解報如違將該吏
坐贓革役張鳴鳳等依擬贖決實收領狀繳
一件革積澳裕國課等事據激江府申詳莫卜場銅
斤由新路發行設立總甲在府巡緝又設老人二
名在場巡察銅斤一應興革和銅鑿端伏乞俯察

緣由批

該府議開新路不惟禁革私銅有裨國課又便益
商人且新城居民得資衣食之利裕國裕民誠為
兩利但總甲作澳與攔秤同是在該府覺察之耳
所云巡山老人給以印信文簿逐日令爐戶報煎
荒銅註簿此須先行易知州到場點查爐若干座
每日自卯至酉可煎荒銅若干然後每月稽其到
府之銅多寡懸絕則必有大批私銅由別徑而去
者矣據簿一查此可收問也至如嚴諭各村火頭
緝捕充實固是一法又恐火頭得錢賣路此亦難

以盡憑唯是府州上下同心用意稽察則奸澳自

緝捕充賞固是一法又恐火頭得錢賣路此亦難

以盡憑唯是府州上下同心用意稽察則奸弊自
省板橋居民煎銷蟹殼此積祖世業也新城餘地
尚多要人填實即今宜召板橋爐戶到府各受一
厘仍舊煎銅不廢世業此便民事也該府宜便宜
施行本司總轄一省凡事當興革者皆熟計利害
然後斷然行之所以不厭再三者蓋意在必行欲
得其詳故耳該府不必顧忌遵照此繳
一件請給鹽貨引票以清商稅事據姚州普昌巡檢
司申本司每日經過客商鹽徒並無引票不經查
驗徑自由由行中間夾帶違禁貨物遠入夷方無票

稽查之行填給引票驗發等情批
看得客商駁鹽運貨者雖經由普昌巡檢司但鹽
客商鹽原無稅課其過往商人縱有違禁貨物大
明律內原不曾假巡司鹽貨之權許金鰲欲索詐
客商而無由輒敢冒昧建言據此一端則金鰲騷
擾地方科虐行旅不查可知仰姚安府提問解詳
一件霸惡襲勢謀占田產等事據雲南府學生員方
寸孝告鄉官封祖裔私債准折莊田備價不容取
贖等情批
此田必方寸孝亡父所賣也價值果虧何不於封

鄉官存日告理乃今欺死瞞生結搆祖壽扛幫詐

此田必方寸孝亡父所賣也價值果屬何不於封

鄉官存日告理乃今欺死瞞生結措祖壽扛幫詐財致將賣民告害田土小事惡棍詐財可使鄉官內人出官乎封鄉官平日重利輕義不滿士論頗多然二棍不可開此屬階也仰雲南府同沐同知問究解詳

一件乞恤孤老事據雲南府中放給孤老并有疾生員陳天寵等月糧緣由批

仰府行陳經歷驗給府中取行吏書盜支頗多常例不少以民夷終歲勤動所入不能養顛連無告之人而終年為積書猾吏鼠食真可痛心本司已

訪有的處不知陳經歷肯任怨舉發否本司拭目俟之此繳

一 件學政事據趙州申行據本州儒學學正史胤查覆事由抄謄書冊申報緣由批

二 表職所呈皆先資之言也今以此關行本州申詳本司必以此播之人士矣此後須躬行實踐不愧今日所言則每日接見州官下臨人士真是內省不愆無愧無怍若行違其言終違其始則無以致州官禮重而更無以服人士之心今日所言其自欺欺人之罪大矣書冊中已有細批該州仍行

二 教職遵照此繳

自欺欺人之罪大矣書冊中已有細批該州仍行

二教職遵照此繳

書冊內批

風俗久頹古道難復一時恐難挽回昔者王烈勸
誘鄉里陳寔化行比閭皆以身先之故人心信服
今作教官的要人心悅服無有別法只是辨義利
明取舍自節禮之外不用意需索童生進學隨人
盡禮不憎多嫌少廩增幫補來則受之無所容心
若有生員貧窮或值志難者加意扶置俱以實心
行之如此即是第一等教職也

一件傳奉

聖諭事據雲南府申稱買完隆慶四五年分借解足
色正耗金共九百三十四兩二錢五分七釐請官
煎鑿等因批

前此煎鑿金兩該府有委官本司有解官承差各
員役日費金戶供給且有常例三十餘兩金峻懼
法已曾不受宋經歷曾否悔還金戶當此苦差已
為虧苦各員役仍要需索必然男盜女娼自今為
始本司不委官煎鑿亦不差解官承差監看徒增
騷擾該府分付十爐頭用心煎鑿如成色不足罪
坐爐頭其金匠沈守騙索金戶久矣毋自取重究

坐爐頭其金匠沈守騙索金戶久矣毋自取重究

繳

一件隆奸革喫分竅民情事據雲南府申詳問過犯人龔職等招由批

看得十爐金戶每爐出銀五兩五錢此是向來積喫今招箱銀不及每爐止是四兩共銀四十兩此必是十五兩使用之銀難於開竅故爾遮飾且招開煎鑿炭火銷金匠役工食俱係金戶自行借辦則金匠沈守又何以在科斂銀由索受銀十三兩六錢控箱收買硝礬炭斤前後情節自相矛盾且爐硝一斤該銀幾何礬砂一斤該銀幾何每金

一銖約用硝礪幾何今以十三兩六錢硝礪洒派
二百銖金子恐難花銷若沈宇寶曾接受中間詐
欺頗多相應與龔職鄒文一併擬罪至於三錢置
金櫃四錢造法子一兩買靴俱係龔職多方開竅
難以准信仰雲南府另招詳報

一件除奸革弊等事據雲南府申詳犯人龔職等招
罪緣由批

龔職鄒文不遵教令擅行科斂據贓未見入已俱
已送人本司必於行法者蓋阻絕後來之科斂杜
塞衙門人之索詐耳沈宇獨行生藝趁錢已多

又復詐取財物難以輕宥又據衆金戶扣頭為龔

塞衙門人之索詐耳況守獨行生藝越錢已多

又復詐取財物難以輕宥又據衆金戶扣頭為誓
職鄰文二人乞恩姑從輕於三人名下共罰銀二
十兩砌多士坊以西至縣學前大街間金戶於此
月初向真慶觀建醮不知同心幹辦公事出錢修
砌道墻此實在功德也云武有靈亦必衛護仰府
速令遵行此繳

一 件宿疾累發不能供職應乞休致事據激江府申
詳本府知府徐可久各致緣由批
該府崇次乞休本司豈不體亮但眼前實心任事
視國如家似該府者能有幾人即今激江士民願

留召父地方百務倚庇方殷一旦舍去恐亦不忍
蓋名實已孚於上下而退休未懼於人心故也審
時度勢須借寇數月使城二府治俱已訖功銅課
哨兵各立常憲比時膚功已奏決難挽留蓋不朽
之績在於河陽則明德美功可以仰答

聖朝矣惟賢侯安心寧耐弘此遠謨繳

一併利國濟民事據易門縣申查勘得必多等場山
脈形勝將來必有大旺准令開挖發票細課等因
批

看得開礦煎銅為民興利國課日增本司豈肯固

執但莫卜場委果衰微則必多場方可議開者節據

看得開礦煎銅為民興利國課日增本司豈肯固

執但莫卜場產果衰微則必多場方可議開者節據
杜文餘等屢屢告稱莫卜場礦衰又控稱無炭要
另開必多礦場今據徽江府申稱板橋所積鑿穀
約有五萬餘車可穀五年發運煎銅之家炭積如
山然則莫卜場原不曾衰而炭原不曾乏也况販
銅下水商人止有此數目今莫卜場屢年積下之
銅販賣不盡即使又開必多一場決然銅多客少
課程必不能增而莫卜場之銅更加阻滯奸人必
欲另開一場本司察知其故即今下山客人於十
四秤之外更多四秤亦已足矣訪知十四秤之外

夾帶尚多其在山爐戶除發賣外私賣與曲清衛
豪軍走小路者尤多也今澈江府立法嚴明查爐
戶每月煎出之銅稽每日到府之數又稽查十四
秤之外不許多帶是以爐戶奸商均有不便於是
用財買囑積棍徒文餘陳挺饒魁赴司告擾本司
灼知奸耍不與准行今又買出劉榮易貴赴撫院
具告據奸人之計若開必多場此中禁錮疎濶恣
意夾帶則人皆棄彼就此而路南州銅必然壅滯
至省者少爐戶商人生情控告以為新路開銅不
來課難辦必復舊路而後遂其夾帶之計則又棄

必多場而趨莫卜場也不知莫卜場雖一年不發

來課難辦必復舊路而後遂其夾帶之計則又棄
必多場而趨莫卜場也。不知莫卜場雖一年不發
銅至省城本司銅課不乏。每月將店戶納過大票
挨次發票。追銀則每月四百兩。課程詎敢尺少。又
卷查先年奉有勘合。各場煎銅發脚。止許發往下
水。變賣不許遠往。迤西地方。蓋恐運往夷方。為兵
器之用。則交通夷酋。資藉寇兵。關係不小。蓋省城
每銅一斤。價值三釐。私發夷方。每斤可得五六錢
之上。嘉靖四十年六月。本司據黃郡首稱。夏延津
馬志等。與賊私銅。潛往夷方。將犯人擬徒。枷號申
呈。兩院待門詳。允。託若必多場一開。由易門縣出

昆陽州過銅車壩趙祿膝背徑往迤西地方難以
防範是杜文餘車同劉榮易貴告開必多場不止
破壞激江府新路且欲潛販私銅逃走夷方圖獲
厚利也本司若不搗查故典准與開完後日通夷
啟福孰任其各除饒魁陳果行昆明縣解詳外仰
理問所查提劉榮易貴一併完詳
一件貪官侵欺錢糧放風挾騙無干事據本司候缺
吏余獻忠各稱新興州吏目廖然父子侵欺錢糧
架控陷害伏望案候等目批
看得贓官廖然潛收屯糧連年不捨父子浪用恣

意後欺三年十月本司已經發憑到新興州具有

看得贓官廖然營收屯糧連年不捨父子浪用恣

意後欺三年十月本司已經發憑到新興州具有
領狀在卷却乃央求薛知州仍欲收糧薛知州畏
其刁詐代為稟白本司切責薛知州奸計遂息即
今後欺數多皆係本犯運回買田置產却乃將衙
門上下人役恣意誑告即衙門人役昔日曾受餌
者固不待言如余獻忠者有何干涉亦行挾騙法
所難容漸不可長仰雲南府即將本犯父子收監
嚴併贓銀不許容令保外放風挾騙此由繳
一併發問事據新興州申准知州薛衛關查得潘承
祖原隨伊父徵收屯糧每石係貶則收五十四索

係銀則收五錢六分等因批
各官委收屯糧本司議定規則每兩加大耗三分
亦不為少乃今每石加至五六分則每兩加至一
錢四五分矣訪得各州縣官廉潔自愛者固多而
加收火耗者不少相應飭法以警奸貪仰未同知
即提審承祖每石退贓三分通詳兩院施行繳
一件欺隱田糧負累隱納等事據武定府申詳問過
犯人玄閏等招由批
吾思齊原贖田與善興等若果係秋糧一石五斗
契書錯寫一石五升豈有今經五十年不行告官

改正一向因何隱忍為伊隱納錢糧該府即查節

契書錯寫一石五升豈有今經五十年不行告官

改正一向因何隱忍為伊陪納錢糧該府即查節
年黃冊如吾思齊贖田與善興之後戶內別無田
土則此四斗五升田糧似應酌處若尚有戶下田
土則此四斗五升之糧安知非吾家故物今可一
旦推與僧人乎且自該府斷自六年為始每年減
徵米租一石五斗以為幫補俸朝陪糧之資以後
當於何年自止即今無有明示日後終為福根玄
閏告狀一番專為吾俸朝拖賴租米又不容田主
起業該府不惟不追風逋又每年加糧四斗五升
又歲減粗米一石五斗加者不宜加減者不宜減

租
疑租字

其何以服玄閏之心大學潔矩之教必上下四方
均齊方正然後快於人心若如該府所斷奪一與
一人情不堪若非本司推詳則歲加歲減祖報豈
惟負屈一時不知貽害何極本司欲與賢守諱明
習矩之義使吾俸朝玄閏彼此稱平然後此心為
快也玄閏係梵雄府僧人雖非該府所屬然不日
蔡人即吳人乎本司旬宣此邦不論軍民僧道皆
吾赤子豈可使緇流有向隅之泣耶仰細查黃冊
丈量土田另議報詳玄閏所告俱實免究
一併群奸殘害事據白監井提舉司申詳問過犯人

一併群奸殘害事據白鹽井提舉司申詳問過犯人

俟閏等招由批

看得白鹽井提舉官員舊時多濁濫不才所以課
長老人貪肆無忌其程吏目所開貼頭餘酒等喫
事頗真的言皆有據此其積弊與家灶戶無干皆
在老人課長今俟閏等七人鼓惑家灶逼令出錢
科歛二百八十二兩為作衙門打點費用據法該
引例充軍不在

恩宥之數既經王偉等首告追銀一百四十一兩在
官辛提舉批開作各灶上課字樣即係官銀俟閏
等何敢不給家灶恣意侵匿且鹽法道於五月十

六日批詳限二月內完贓姑准徒贖及今十月矣
方爾具招殊覺違慢據招一百二十七兩於七號老
人李朝相等名下追完是矣其周四保等十五
名原領出一百四十一兩指前不曾明開各分入
已之數今却緊追前銀恐分派不均人心不服仰
李知縣再查周四保等名下原分的數以憑追併
庶豪華多取者難以計免柔軟無力者不致混賠
具由另詳

一件聲正風稟省民財以全民命事據五井提舉司
申准署印經歷宋庚條陳未盡事宜八條請乞採

申准署印經應宋庚條陳未盡事宜八條請乞採

擇等因批
黑白二井書冊刊成發壯丁各一冊使後有貪官
污吏不得變更正念五井壯丁貧乏者多官吏科
害不少亦須洗刷積污酌議新則查照二井刻有
成書分給收執庶可經久方擬牌行本官而得見
中文具悉雅志備觀先今申革九條具是井上積
蠹本官留心及此非有才志不能但弊孔頗多搜
剔須盡費用難省疑議要詳若搜剔不盡則貪肆
為害流弊更多擬議不詳則過苦難行難免科派
據呈提舉司積弊九條鹽課司二條訪知課長侵

漁奸吏虐官科派多端即如黑白二井所云生日
節禮之類不盡無也本官恐後人怨咨是以革除
不盡本官若欲避怨須人灶戶各言代為稟白且
奉本司諮訪備細開陳則非本官之罪也至於擬
議公費又須寬綽使賢不肖可以通行查照白井
書冊逐款備議呈來以憑再議呈詳兩院施行或
公費不敷應該何項銀兩可以支費務要從長計
處以便通行議成之日亦如二井刊刻分給灶丁
則本官署印一時亦可流芳永久矣速報速報
一件象隻不敷等事據永昌衛委官指揮王三錫千

戶三鳳呈稱已將南甸千崖象隻買完今被莽酋

一件象隻不敷等事據永昌衛委官指揮王三錫千

戶辛鳳呈稱已將南甸干崖象隻買完今被莽酋
復占道路難以前進將原領官銀解司等因批

本官探蒙差委幹辦不前虛言搪塞具見狡猾閔
照亦人臣也經年在外勢求必得此等任事方見
實心王三錫姑免參究仰上緊收買方可塞責若
則管軍管軍恐未穩也此繳

一件發問事據理問所呈詳遵將犯人伍玉等招由

呈詳按察司批示緣由批

看得伍玉唱令男婦免毆差人彼時伍玉卿因不
在場至於奉文行拘應審人犯堂堂二司孰敢抗

黑...
...
...
...

拒自九月初二日至今已二十日矣本司姑緩追
寬假惡徒竟長惡不悛事屬抗違法紀安在天鑒
纓小物而孔子惜之蓋防微杜漸之道也不意但
玉一家敢於豪縱如此理問官卑人不知畏仰雲
南府會同曲靖府朱同知從公究問招詳

一件公保循良事據通海耆民孫琚等連名告保本
縣章知縣三政愛民地方安靜被吏徐燦告害六
房吏書乞念小邑殄除兇惡等情批
該縣為徐燦控告似不能堪自本司觀之不足為
異大凡橫逆之來賢人君子亦不能免大要在吾

自反何如耳兩院有激陽清濁之責故凡抱牌控

異大凡橫逆之來賢人君子亦不能免大要在吾
自反何如耳兩院有激陽清濁之責故凡抱牌控
告者情偽難知豈容不准然既付之本司則涇渭
自分初次一槩行提法也繼後先提事內人犯而
本官另行情也然情不勝法畢竟從初法為當耳
該縣如老成有見識達事情速將人犯解府轉解
自己則解印綬東身赴司辯訴衷曲本司審係妄
誣即行回縣理事如此則該縣情事瞭然無疑衙
門體統於此曲盡難寸雲蔽日少焉其明固在也
要之本司體念賢屬用情固為周至該縣居官守
法毫髮不可差遲節觀兩次申文似足欠諳政體

蓋印信公移惟縣中公務得以行之今申訴自己
衷曲則印信公移不可得用也本司不以文法相
拘又知被小人誣捏於此全不計較然今不一明
開則該縣何從知之也至於該學師生具呈尤欠
妥當假如縣官不賢師生雖有申呈必不信聽縣
官果賢上司藻鑑頗定又不俟師生多言今該縣
被人控告本司必俟師生有言然後明辨其誣則
本司端坐薇堂原乏知人之鑑耶是一舉之間待
本司者甚淺待縣官者亦非而師生之自待者更
大妄貼該縣壯年有志而涵蓄未深事體未諳處

此便覺勞攘聞本司之教必有以自處矣本司批

又安貼該縣壯年有志而涵蓄未深事體未諳處

此便覺勞攘聞本司之教必有以自處矣本司批
教一以教該縣一以訓師生又以曉諭邑中父老
子弟也該縣敬聽毋忽

一件豪惡店戶侵刻公費銀兩事據昆明縣申詳犯
人徐苕等招由批

看得當月舖戶固有虧貼公費銀兩原議不少徐
世榮雖當一日之半既已製造象衣自應動支公
費貼補徐苕豈得以卑凌尊時富欺老不行幫貼
則原立議約何人收藏原收公費何人侵匿據告
欲查追侵尅節年公費入官此是忿激之言但此

項銀兩當官用剩自該均分堂堂官府原不藉此
本司批縣速查回報正欲知其公費所入之數查
其賅賂之實而徐莒等欺瞞上下之情自不可掩
今已六閱月矣既不速報又不細查則告者迫切
之情本司批發之意該縣何若是其涼涼也若不
嚴查則徐莒等圖謀慣便而奸吏李東陽之奸貪
得遂也文書至日將本吏截衆行下手吏項補併
招速報

一件乞憐民累差吏解紙等事據大理府申貪吏李
鑑索紙戶銀兩尚有餘辜但已革役乞姑照罪發

鑑索紙戶銀兩尚有餘辜但已革役乞姑照罪發

悉等因批

李鑑擬徒另招詳報該府查李鑑於何年月日到
府本犯情罪真實到府之日即該招詳何必候楊
性等面質且楊性等就使夷方生理決不往八百
車里莽噠喇地方何至越數月方有此申又不招
報也該府惡吏恬然不畏官府若此賢守若不加
意振刷恐為衙門之累文書到日即將楊本茂革
役截參將下手吏項補仍查李鑑到府十日之外
楊本茂作曠不准實歷自李鑑究詳贖完日降四
等房科捱參繳

一件辯明冤枉事據大理衛見監千戶魏應元訴稱
丁昂燒燬軍器拘監服毒身死陳繼先等各執相
同將應元屈擬重罪等情批
凡告放火當時捉獲有顯跡者方坐若指告者不
坐今據告稱地方查係丁昂放火不知係地方何
人事干重辟雖指告者尚不敢坐查之一字就像
讎控且就使地方將丁昂查呈則魏應元當轉呈
道司查究自有公法豈得兄弟二人擅到丁昂家
內將伊拖扯到家應元喝令惡弟行兇痛打至氣
絕將死方行送監應元欲掩飾打死真情却粧砌

服毒身死又重賄問刑通判誣控一段招情大理

絕將死方行送監應元欲掩飾打死真情却粧砌

服毒身死又重賄問刑通判誣控一段招情大理
城中孰不為丁且猶寬然無人挨究至隱幸楊同
知夢與神通揭查卷案且趙經歷相視申文可疑
獄卒病呈有據參詳情罪開報到司已經批評委
官檢驗久未招報喫屬該房仰大理府即查限寫
縣何日回文到府係何惡吏承行即日革役撥下
手頂參先行解詳其魏應元坐以威力主使毋使
老虎出狎也招詳速報

一件役滿事據永昌府申石甸巡檢司吏趙應奎竅

竇緣由批

仰永昌府查結看得石甸巡檢司民夷象多常有
爭訟生齒既庶宰殺日繁流民奸豪欺凌土著巡
司小官刻剝爭訟惟是索財每日牛稅侵匿入己
前此府官或每年取有巡司公堂是以憑其不法
全欠經理訪之輿論謂頃本府同知通判等官輪
委一員坐鎮以安民夷不知於地方有無利便該
府公清正直苟可利民當為建樹仰稟白兵備道
酌議另行報詳

一件乞憐拔宥誣陷事據賓川州附學生員楊岳告
稱在昆明縣詳奮不自顧採民間輿論作策論書

上陳蒙會與功交獎蒙恨泄事謀占百端冒使復

福在昆明縣詳奮不自顧採民間輿論作策論書

上陳蒙會與功交獎蒙恨泄事謀占百端冒使復
陳三策今被誣陷暗中等情批

看得楊岳被盜是實其失銀多寡所不可知安推
官以真盜難獲故令土舍龍承祖等拖賠彼時失
少賠多楊岳不宜妄領其過在此至於廣西府聽
聞不審以楊岳出入總府此是極寬所當辯白據
吾隆慶二年六月二十四日呈回節冒死復陳三
策不知策內所陳云何如此舉動恐非出入總府
之人既經兩院交獎一時見聞必真乃今反以出
入總府坐罪宜乎其不甘心也仰雲南府備細查

據隆慶二年本生建言兩院交獎事情及令開錄
三策本司當為洗雪不可使取言之士終抑覆盆
也速繳

一件均水利消水患以便灌溉以省大力事據激江
府申舊府原有西浦龍泉一道兩泉並湧不半里
即入激江詢之開河可以救逆西淹沒之患濟東
南灌溉之利一舉三便等因批

西浦龍泉源流甚大前此不知開濬汎濫逆行是
以西街患淹沒之虞逆東失灌溉之利該府諮詢
有眾議開新河庶民子來三千雲集疏鑿之功僅

施三日利賴之澤延於無窮况由新府西北隅入

有象議開新河庶民子來三千雲集疏鑿之功僅

施三日利賴之澤延於無窮况由新府西北隅入
城壕復會龍女泉折東南城隅入於海此名水纏
言武新府體勢自是完全城中居民如在天府賢
守奠安激民必有此舉然後萬世永賴也本司得
此深為慶幸新府工程補完該府敘寔置事宜呈
來以憑撰文刻石紀層功詔來禋祀此繳

一 件議處公費以免預徵賠累事據武定府申詳條

陳公費緣由批

看得和曲州夷民家無藏蓋體解完衣已自可憫
又因四十五年築城隆慶元年劉賊預借一年公

費以致年復一年民力疲敝真所謂醫得眼前瘡
剗却心頭肉也著印官員醉生夢死惟知自飽豈
恤人窮誠如窮靈坐當偶人尸位於夷民無毫髮
之益誠可嘆恨據今趙教授冊報五年秋季已預
支七年春季矣若非該府深察下情設法拯救凡
此藍縷何以自存本司猶恨其言之不早也據申
興革事宜俱已備觀各有批示其應增益者今須
議增庶免日後科派至於欲救目前之急則兩年
支剩秋糧准免解司用濟窘急該州得此銀兩又
兩年之中再加節省則隆慶六年春夏秋三季可

以支持否仰武定府再議申詳

兩年之中再加節省則隆慶六年春夏秋三季可

以支持否仰武定府再議申詳

一件公務事據安寧州申詳犯人徐極等誑騙客貨

追解銀三十六兩內有馮大豆等十二名查係鬼

名難以拍解緣由批

棍徒誑賒客貨故捏鬼名本司明開寬宥相應首

先完報却乃恃頑尚不出官切詳安寧祿豐祿脹

一夥積棍赴黃元三處賒布非天南海北之人彼

此不相識者今據馮大三等係是鬼名李伯明等

原無住址無從拍追此是該州忠厚之過而無發

奸搆伏之智也今欲追尋馮大三李伯明等別無

他法即於徐控等八名下訪追若十日內不獲即
將徐控等併該吏領財解司以憑親鞠若徐控等
每人能拿獲一犯即免解仍免罪不算過月利銀
該州明與說知利害除解到銀兩先着楊廷等具
狀收領外仰遵照嚴行此繳

一件公務事據安寧州覆中行王朝保等六名訪獲
李伏元等六名追解銀四十兩給商人王廷等緣
由批

李伏元等誑賒客貨展轉生利已經兩年既經客
人告發董羅一供有姓名自當照數處還客商雖

非良民能畏官法亦可情恕豈意奸徒各捏鬼名

人告發黃羅一供有姓名自當照數處還客商雖
非良民能畏官法亦可情恕豈意奸徒各捏鬼名
設心誑騙初次劉經歷差人拘拏一人不獲後次
委本州緝捕申係鬼名若非本司軫念遠商設法
捱捕則李伏園等六賊四十兩布銀化為烏有一
先生矣所據王朝保等六名相應免罪李伏元等
情罪難恕俱擬驅騙徒罪解詳若能於半月內緝
獲吳子明解司止擬杖罪招詳免解前此張六王
海不曾訪獲鬼名擬徒相應併招乃擬杖罪追兩
年刑銀每月三分起刑該州加意督捕限十一月
十二日報詳該吏董騰雲前此受贓今次違慢姑

記另行

一件乞賜酌處以便完納課程事據臨安府申十八
寨所先年定立商稅課銀今日致忠董如金管徵
相應准擬徵稅幫補等因批

看得十八寨係偏僻地方原無商賈湊集雖有牛
羊二衝不過附近軍民貿易綿花米豆猪羊牛隻
以通有無論法不宜抽稅前此不知何年利徒假
報稅之名誑惑上司上司利錐刀之末准其收稅
每年上納者止於十四五兩而私家所入不下十
倍矣是本府所入僅有此數奸人藉此所得不貲

而貧民受其籠絡無處告訴本司出示議於隆慶

信矣是本府所入僅有此數奸人藉此所得不貲

而夷民受其籠絡無處告訴本司出示議於隆慶
五年七月以後免徵者蓋見其害而未見其利也
其清查隆慶四年以前未完蓋惡奸人之剝削而
又恣意復欺耳據申田叟忠黃如金納課能有幾
何顧此惠人其益甚大臨安稅司稍一清查則頃
刻之間十四五兩可以三辦仰賢守再加酌議□
十八寨稅課仍舊免徵其田叟忠黃如金已徵者
按月追銀貯庫報繳

一件王豪累陷打搶親管事據武定府申查得楊為
棟不赴聽問欲將張拱北等拘發回籍太和縣當

差但查已經在井應充灶丁五代認辨課程且楊
為棘係太和縣民年久何不聲說似難准信等因
批

據稱張拱北父張相因充使役移徙本井附籍當
差後蒙戶部主事陳查將拱北等僉充灶役等情
切詳軍民驛灶原有定籍妄准脫免其罪惟均張
相原以太和縣戶籍起送充使豈得脫民充灶附
籍當差據稱張相附籍當差延及拱北只是一輩
若果係主事陳查拱北灶役卷查係嘉靖三十二
年父子傳流只是西代僉定灶役止於一十九年

今妄稱公祖在居五代共約百十餘年頑民變亂

年父子傳流只是兩代僉定灶役止於一十九年

今妄稱公祖在居五代共約百十餘年頑民變亂
版籍逃避差役又敢欺誑官府情罪難追且張相
避民就灶傳流伊子即今白草起并避自者緣何
便有三十餘人蓋始初流移者張相父子二人以
後則戶丁相援相引其徒實繁原籍差徭不免累
隨據此則楊為棟所告俱實而張拱北等宜回籍
當差也據拱北訴稱酒淡灶逃賣男陪納有屋無
仲今起取回籍脫此苦夏諒亦心願仰武定府依
律議詳不必楊為棟到府此繳
一件貪污科害事據白藍井灶戶李時中王倫告問

革吏趙憲李及時課秤人等各應追贓銀不行監
追猶將二人監禁緣由批

看得李時中王倫為贓官董廷楫糾害社民赴司
開單具告本司行姚安府行該井提課長秤手至
司其實王倫所告課長秤手實是借各人搭橋以
證實董廷楫之罪原非有心害及各役也各課秤
同王倫李時中一路前來並未起買求之心因本
司細審課長侵奪餘酒占炫得利秤手加收鹽課
積弊多端課秤恐問重罪乃請求二人用財買囑
兩立合同求免爭執據此事情則出錢受錢之人

明係以財請求難以豪強求索論也據署印官李

兩立合同求免爭執據此事情則出錢受錢之人

明係以財請求難以豪強求索論也據署印官李
洞然開稱王倫李時中出名告狀其實趙九霄李
桂中王俊在中幫助希圖詐財不意本司徑將董
廷楨革罷詐謀不逆事寧之後趙九霄等欲白王
倫李時中挾分請求之財而王倫李時中獨專其
利以此趙九霄等不忿尋害無由適因王倫弟兄
家事紛爭提舉李廷圭亦欲為董廷楨報復乘此
觸機而發是以趙九霄李桂中遂行峻告之謀李
廷圭公行報復之計此白井一時變詐之情李知
縣見聞是酌看得趙九霄李桂中王倫王俊李時

中之告黃氏楫或設意造謀或出身告狀事同一
體今此請求財物王倫李時中既不首官又不還
主又不分惠衆人即今事發何處逃罪但其罪狀
止是有事以財請求今督糧道所擬以出錢人生
請求受錢人生豪強求索一事二律似乎未妥切
詳貪污官吏吞食灶民者也積年課秤復奪灶民
者也試觀書冊裁革積弊上司何由灼知今因王
倫李時中訐出行吳知州清查以此積弊盡除衆
灶樂業科索既少刁風亦清是王倫李時中痛固
難饒功亦足贖若不擬議輕重恐將來污官污吏

有如黃廷楫趙憲者孰肯不顧身家自取危禍赴

難饒功亦足贖若不擬議輕重恐將來污官污吏

有如黃廷捐趙憲者孰肯不顧身家自取危福赴
上控訴哉卷查隆慶四年十月王倫李時中赴司
投狀恐其在外買和將一人收監一人召保至十
二月方據姚安府解人到司五年正月發回二人
在省四箇餘月賃房獄食備辦苦艱緣為一井姓
民不是二人私事凡此下情亦有可憐請求之賊
似宜量減其二人應入官給主銀兩固應嚴追項
令保候營辦蓋所告究皆衙門內外兇殘若久幽
囚恐遭暗害適以快仇讎之心杜後來告言之路
仰署印官查照遵行仍造報審錄文冊聽院道會

審此繳

一件查理錫課事據臨安府申委石屏州知州全鑑

往箇舊場查理錫礦每季加增十兩俱於硃頭晏

坤八曾國本名下加增解報其郭起宗管徵季內

發過錫一千三十馱係三年四年積遺之錫等因

批

據醫官程國賢等到場查勘止加課銀一百六十

兩今據石屏州知州再勘每季加銀十兩事經

廉能正官方可信憑較量輕重自有斟酌歲加銀

二百兩相應依允據申郭起宗管徵季內發過錫

一千三十馱係隆慶三四年分積遺之錫非五年

二百兩相應依允據申郭起宗管徵亭內發過錫

一千三十馱係隆慶三四年分積遺之錫非五年
分新出之礦竊恐未然若果係三年四年所遺則
晏坤八等歷年在场何不多招義夫淘洗煎煉直
至隆慶五年郭起宗經營之日方才用工即且三
年天旱乏水淘洗四年春夏物賊縱橫六月間何
通判殺退物賊且雨水調勻義夫到場紛紛採礦
礦場興旺無過野豬一場傳聞省下久已知悉不
才郭起宗奸豪晏坤八等欺匿礦旺經年不報反
行查增課則違晏永馬京或告封閉礦場或告義
夫走散十無二三匹夫熒惑諸侯如此全知州亦

信其曲說彌係三四年積出之錫本司或可欺也
此可欺臨安之人耶仰府將晏永馬京究問郭起
宗監併作速報詳

一件乞憐邊官俯請俸糧事據武定府申准武定所
呈土官千戶董邦佐原該動給土軍差銀十八兩
今要比照永昌衛土官千戶規則給銀二十四兩
緣由批

看得雲省土官指揮千百戶准俸銀兩原有等則
難以改移即永昌衛土官俸銀較之省城六衛多
三分之一其來已久各衛所土官不敢援例告增

指揮金重調往武定城守即援永昌衛土官事例

三分之一其來已久各衛所土官不敢援例告增

指揮金重調往武定戍守即援永昌衛土官事例
加俸雖經本司呈給終於事體不宜千戶黃邦佐
豈得冒昧妄呈變更舊法查隆慶四年七月據
武定府申據黃邦佐呈稱家世武定祖祖墳墓俱
在彼中欲改調武定以便侍養本司清軍道行該府
查實呈詳兩院然後施行然則黃邦佐之調武
定原係自陳非金重病故調伊戍守今據邦佐引
金重前例比照永昌衛土官千戶要加俸銀至二
十四兩參詳前後事情則邦佐告往武定不為侍
養只圖多得六兩俸錢耳且邦佐以便於侍養而

告曰武定今却控申金重病故調伊頂補卷宗尚
在指查自知金重前事難以援引且據該府申稱
別無堪動銀兩要在本司官庫放給大均一土官
千戶也在六衛則一十八兩去武定侍養則加至
二十四兩一二年後土官千戶皆將舍六衛兩
趨武定矣俸門一開效尤者衆恐紛紛告擾者不
能止其來而濟用庫之積無以應其求也仰武定
府即提董邦佐到官指查上年政所卷案完問招
詳

一件愚陳地方民情事據鄧川州申詳本州羊塘一

里稅糧內除總府并阿黎宗三項並田不編外其

一件懇陳地方民情事據鄧川州申詳本州羊塘一

里稅糧內除總府并阿榮宗三項莊田不編外其餘三百餘石應該隨糧編差入冊被豪軍惡客影射避差等因批

看得羊塘一里豪軍流商巨種於此躲避差徭積成富庶而大邑等一十一里應辦煩苦貧乏可憐本司訪知此弊已久思欲得一賢守清理而均平之日夜望此至切也據申此是父母官為民首務該州稅糧止有此數凡百差役俱從此出向因羊塘里不編差役而田土又係沃壤是以豪猾聚廬託處真為得計今又謀買各里民田收稅本里飛

徒影射為富不仁即今不為清理恐豪猾因茲得
計奸宄不免致无舍此趨彼其喫日滋各里空虛
徭役益重地方艱苦誠如救焚除三莊照舊不編
差外其餘三百石應該查明隨報入冊一體編差
仰州候分巡道委官至日會同查勘議報如有豪
軍流民用計阻撓者指實通詳以憑鞫問此繳
一 件 祈天斧斷叢虎賊害孤孀事據已故郎中封祖裔
妻賈氏告族人封祖壽結搆惡鄰張効孔楊岳
謀害雲南府申解犯人封祖壽等緣由批
看得按察司斷此獄情雖給封祖壽銀一百四十

兩招中所言小人辜恩背義情狀極為詳盡其不

看得按察司斷此獄情雖經封祖壽銀一百四十
兩招中所言小人辜恩背義情狀極為詳盡其不
以盜典田畝罪祖壽者非是惠利克頑亦以保安
寡幼立意祖壽妄庸因此得志結交一二健筆刁
徒捏唇鼓舌恣意告言不奪不厭動輒大小鄉官
騙受寡婦之財使鄉人不敢公言又揚言封進詐
出祖母之財饋送府官挾袁同知不敢行法今日
雲南城中祖壽可謂橫行無忌矣且封祖壽兩次
行分田產近三百金窮人得此十分過望小人全
不知足蓋亦有因據態應麟告稱祖壽自四十二
年分出另居伊兒每年止給米三石六斗祖壽貧

之難存投入總府暗害伊兄伊兄不忿具告學道
然則兩人情分久已乖離伊兄固以祖壽為讎祖
壽處心積慮日望其亡而據奪其所有也今日多
方控告豈以報十餘年積忿乎若使封祖壽犯上
果真伊兄具告有據則彼此義絕今日公然爭奪
財產據法論情有何面顏大凡得過人家內有義
女使令外有純綱之僕何況士大夫今祖壽欲將此
曹一網打盡其心始快獨不念法官司經斷之言乎
所云封進等應留應逐俱聽雲南府從宜處斷此
等去處俱是切近人情若依祖壽盡行逐出則二

寡婦一痴兒榮榮三人手足何措近如汲水舉火

等去處俱是切近人情若依祖壽盡行逐出則二
寡婦一痴兒榮榮三人手足何措近如汲水舉火
指使何人遠如取帳催租何人可遣封士彥蒙稚
寸步難行北宅南庄恁祖壽盜典盜賣靠誰覺察
久之黍食俱盡而寡幼坐困矣此等妙計幽有鬼
神明有國法豈容縱肆據祖壽告稱封進榜生盡
惑二婦招延僧道損財喪節今據祖壽士彥面執
僧人鑄鐘運往大理封進等稟白賈氏捨助腳價
銀十兩又差人往大理請僧人建醮此與祖壽議
行如此舉動誠為損財未見喪節祖壽何為肆其
奸讒汙辱門戶所據封祖壽故違憲斷結措惡鄰

張効孔彼此扣幫控詞告擾漸不可長其投入總
府雖經伊兄具告今不深究楊岳素行如盆成括
况與祖壽日夕往來踪跡可疑法當重究本司憐
其臨溺之久日下方將起死回生使保軀命不意又
尋死路姑再放生薄示德創封士彥衣食不缺
輕易典田與取思德明係私擅用財仰雲南府將
封祖壽張効孔楊岳封士彥擬罪招詳其封進楊
生等諭令幫扶封士彥營幹家務若欺騙家主官
司等問究遺義女隨賈氏擇便出嫁不必限期免
被小人尋害

一件詭名覽納乞行查究事據高明州申奉鈞臺良

被小人尋害

一件詭名覽納乞行查究事據嵩明州申奉鈞臺良
法任從民便斗斛如式耗米平米每石照舊其脚
價海貶十五索象議不虧車戶方可經久等因批
據申自運總運各從其便斗車脚價經久可行俱
如所擬本官到任不久與民未親即今收糧象目
所視本官信知潔己不敢營私衙門吏書門皂需
索納戶更宜禁輯此不惟觀其有守又可驗其多
才即此一舉足以加惠四境元元而誦聲作矣廣
備倉自革弊之後其來如雲旬日之間收未盈萬
此何術以招徠之哉費用省而輸納便也往年民

勞久候苦官之不早收今官知奉法惟恐民之久
候蓋一轉移之間百姓受惠如此本官在州收漕
宜體此意可也加耗三升乃止收正放者今既總
運相應總算每耗一石仍該加耗三升平米二升
庶不虧損官攢仰州同查照施行此繳
一件印信事據雲南府稅課司申准署印經歷侯之
屏闕奉委管印半年多解羨餘六百七十餘兩乞
委別官交代等因批
看得稅課司額稅舊時每季報收千兩前此監收
官員與官攢兩相和同季報千兩之外監收官與

官攢乾沒各半自隆慶三年秋季陳經歷監收報

官員與官攢兩相和同季報千兩之外監收官與
官攢乾沒各半自隆慶三年秋季陳經歷監收報
至一千五百兩其加一法馬加一秤兌仍又革除
以惠商旅也此後各官監收者羨餘多寡不同其
人才守自見較之數年以前稅司之弊十去六七
矣前此府中取有公堂紙劄又行官攢辦酒因其
額外所得甚多故尋常有此差違今監收官各相
策勵額外盡已解司官攢所收門攤各稅所餘有
限而該府差派仍前不減恐無以安蟻職而恤小
官也嘗聞整酒一次厨子班頭各要稅司常例五
錢凡此下情應該體念自今隆慶六年正月起免

行稅司整酒其公堂紙劄俱行裁革仰府將班頭
厨子擬罪指詳

一件抗斷減倫偏護異姓吞產坑陷財命事據尋甸
府申再於張氏劉承業名下斷銀二十兩給劉世
英弟劉世豪并妻楊氏收領發送世英身屍田產
盡付張氏養老終身劉承業領當劉傑差役給帖
遵守等因批

看得劉傑病故遺產甚多張氏偏愛義男馬龍保
一股執區並不分惠親族劉世英不忿告分巡道
行府問理而該府止斷田幾弓又候張氏身終之

日方給所謂待河之清人壽幾何此中委曲著印

行府問理而該府止斷田幾弓又候張氏身終之
日方給所謂待河之清人壽幾何此中委曲署印
官諒已備知劉世英不平具告到司內有乞另委
清正官等語前官以為發其私也將世英重責枷
號問罪問革錢可通神如此世英遭此凌虐之後
衣破衫穿形神俱喪本司固知其必死矣不意竟
爾亡歿誠可悼惜即今世英幼妻楊氏終難守志
而八十老父極苦無依仰府即將世英原賣水陸
田一段計銀五十三兩教場門首水麥田一段計
銀七兩斷給劉世豪管業原賣田一段養贍伊父
以為養生送死之資水麥田一段賣銀以為埋葬

劉世英之費嗟乎府州縣官受財枉法斷獄不公
使人不得其死如此死者不可復生念此常欲墮
淚官雖去任百姓口碑不磨也仰清正馬知州作
速施行文到三日內報詳

一併明公道杜群邪以保全士夫體面事議處封鄉
官家事使其彼此往來親義不絕長幼尊卑不失
倫序各務保全門戶等目

等因下堂落一批字

照得封祖壽與賈氏許告事情已經按察司斷明
通詳兩院二比又爭小嫌告府不決各具告到司
已經批發該府將封祖壽張致孔楊魯封士彥問

罪招詳外本司批詞已完召祖壽等面示祖壽見

已經批發該府將封祖壽張致孔楊魯封士彥問

罪招詳外本司批詞已完召祖壽等面示祖壽見
批詞嚴如鉄鉞畏罪悔過口吐真情口始初教唆
告狀俱是某知縣主令壽祖稱無告狀財本某知
縣引領至某教官家借銀十兩某知縣扣除四兩
止與六兩及見祖壽典田得銀百兩嘆伊不行分
給印往投賈民得財偏護等情據此本司看得封
鄉官故後祖壽告爭財產此是本心待時而發原
不必要人教唆但某知縣老年在得日夜熱中急
欲祖壽出頭可以居中用計蓋與楚則楚勝與漢
則漢勝此等妙算着着不空賈民係孤單女流誠

如傀儡憑人提撥有何主張一自經官由此箇箇
俱要餽遺人人以為奇貨而封氏之財不及於宗
人俱四分五裂於用事請事人之手矣此其前事
之失策如此即今群邪用計阻攔祖壽不容上門
賈氏無知一見便罵此等歹意害人極深蓋祖壽
不容上門則群邪得以來往蠅營狗苟恣意騙財
况不通來往結怨益深日後兩下搆辭又可撮哄
誑騙今日愛惜鄉官體面者只願封家無事而群
邪朋計騙財者只怕封家無事若封家和好無事
群邪何處騙財今日各人阿諛賈氏只為要騙幾

兩錢財有何好意若騙財不遂背後更有許多閑

群邪何處騙財今日各人何諛賈氏只為要騙幾

兩錢財有何好意若騙財不遂背後更有許多閑
說要之囊裏財物有限群邪索騙正濃欲壯群邪
奸謀須是兩家和好今面諭祖壽令其虔備牲醴
請本家老成族人并二婿至亡兄靈前告奠謝罪
仍謝過嫂氏賈氏將祭品以禮款待翌日賈氏具
盤盒令世彥同老成族人二婿率領封進等至祖
壽家謝罪祖壽具酒延款完日各赴本司回復謝
教以後歲時祖壽該往拜亡兄神主並拜禮賈氏
賈氏該令士彥往拜尊叔凡家門春秋祭祀清明
冬至上塚賈氏分付士彥宜請祖蔭祖德祖壽三

人享昨端陽年節祖壽宜具禮嫂氏士彥宜具禮
尊叔蓋禮意既是懇懇則情誼自然決洽往來既
是不絕則怨恨自然消磨人非禽獸心非木石俱
宜改變亡兄家內如收租取帳被人欺侮或無故
被人欺凌賈氏請祖蔭等三人至家公同計議祖
壽帶領士彥至上司具告以扶家門士彥如被棍
徒哄誘典賣田土嫖賭封進等不守家規欺騙財
物祖壽宜同祖蔭等說知賈氏當面將士彥封進
等訓教如各改悔不必深究如放蕩不改賈氏請
祖蔭等三人至家公同計議祖壽直述事情執此

下點赴官司究治以保全亡兄門戶如祖壽不守

祖蔭等三人至家公同計議祖壽直述事情執此
下點赴官司究治以保全亡兄門戶如祖壽不守
本司表誠仍有謀產別情賈氏請老成親族并二
婿至家從公勸諭若執迷不改許賈氏直述事情
執此帖赴官司告究若兩家家主人恪遵本司
格言不惟家難可免外面不受人欺此保家之上
計獨不利於群邪耳

一件查盤錢糧事據雲南右衛經歷司申准經歷凌
寵閔查左等六衛軍器緣由批
看得成造軍器本為折衝禦侮之用今六衛庫貯
器械名雖屬於衛官鎖鑰都司收掌凡有取用不

得與聞是以事畢文官無從查詰節年委官因見
堆積狼藉不知設法盤檢唯據衛冊抄寫了事而
已上年經歷陳鳳舜奉委查盤頗稱詳確今衛冊
造報虧欠尚不開除額數仍浮於舊承訛習舊徒
具虛文切詳成造軍器動用軍儲官有侵欺俱擬
重罪今成器貯庫支放不明侵欺不完法紀何在
據申要將先年燒毀廟火及未還官無從根究者
准與開除近年出征損折費用查免追究至於解
發各關隘者此除彼收聽委官查盤其餘應追者
勒限嚴追見在者造冊置區至於衛專設百戶

六員職司出入法始畫一事有責成據此一事本

勒限嚴追見在者造冊置區至於六衛專設百戶

六員職司出入法始畫一事有責成據此一事本
官徹首徹尾查覈極悉計慮極詳議法不苛事可
經久本司三復中文深切汪念每見本官精神朗
朗以為可以任事不謂幹才通達而又盡心如此
誠可與進仰雲南府再加酌議呈詳併將本司批
語叙入蓋下僚才志如此宜使兩院獎進以風庶
僚也仰候按院詳行繳

一件印信事據雲南府申稅課司每季舊規解本府
公堂買紙銀十兩以後裁革等因批
本官平日砥礪廉隅愛惜名檢署印所至兢兢守

法此等公堂發回該司毫無沾染具悉雅操本司
於稅課司稽查極嚴策勵吏官用意極至是以二
三年來額外報課幾及二千餘兩然本司不敢私
取一貲以為公用也該府常臨釁故不是法紀仰
府抄詳立案革罷仍行文稅課司遵照以後不許
仍送公堂此繳

一 件 禮儀事據雲南府申本府整酒舊規行稅課司
廣備倉河泊所官一員督辦酒席發銀查無賄費
至於皂隸等役索錢其弊難保除查的另行自後
公宴俱本府自備等因批

看得該府先時役使稅課司廣備倉河泊所釐酒

公宴俱本府自備等因批

看得該府先時役使稅課司廣備倉河泊所釐酒
原係相因喫政三衙門若果穢濁不清該府只宜
設法清理革故鼎新予以加惠商民蘇息漁戶此
是父母官愛民實政豈得因其肥潤便爾科差若
然則官攢緣此縱恣小民難以伸訴訪知此喫各
府皆然必俟賢者然後洗滌之耳據中原銀貫辨
並無陪費兒隸班頭亦無索錢本司似不必深究
但據侯經歷稟稱秋季釐酒官吏賠銀九兩有餘
冬季釐酒賠銀二十三兩即如圓通寺釐酒三席
用銀四兩八錢等因切詳該府釐酒既給官銀似

無賄賂若無賄賂則該府自應差人買辦似不必
累及三項衙門及今行查則官攢豈敢明白聲說
此如啞子喫苦瓜心裏知得口裏說不得耳該府
即召侯經歷到府虛心細審容其盡言如秋冬二
季雜經辨酒原不曾賄過前項銀兩則侯經歷該
問妄言之罪而本司輕聽宜任其吞若侯經歷言
皆有據費用果真則府中索錢諸人亦宜查究下
落姑免重究俱問不應罪名以示懲戒仰雲南府
遵行速報

一件俯念士夫敦睦倫理乞憐宥釋罪贖事據雲南

府縣二學生員夏詒吳懋賢等連名呈稱已故鄉

一件俯念士夫敦睦倫理乞憐宥釋罪贖事據雲南

府縣二學生員夏詒吳懋賢等連名呈稱已故鄉
官封祖裔族弟封祖壽與嫂姪告訐連及楊昂張
効孔在內蒙府擬罪乞賜豁免等情批
封祖壽楊昂張効孔封士彥先經提解到司批發
問罪本司又思得凡宗族捕訟官司整齊以法不
若聯屬以恩故給有下帖使各厚倫理篤恩義通
往來本家男婦僕妾聞此帖文曉然知利害之所
在而封祖壽屢承教誡痛自悔悟如寐如醒其所
呈祭文一篇忠厚懇惻足以慰死者之幽魂消生
者之疑慮由此見天理之在人心原不泯滅特貪

心蔽固群邪盪惑之耳本司觀此深有取焉及聞
祭真行禮之後彼此諧和親族痛慶以禮為教其
感人心如此所據封祖壽宜取自新不追舊過封
士彥再違家教宜照下帖施行昔人有畏陳仲弓
者曰寧為刑罰所加毋為陳君所短楊墨自受教
以來愧死無地本司宜少緩刑罰張劾孔薄乎云
爾可以原宥仰雲南府省諭封祖壽等仰體本司
明教今次姑免究罪原詞准銷此繳

黔南類編卷之八終

黔南類編卷之八終







